



UNIVERSITÄTS-
BIBLIOTHEK
PADERBORN

Tractatus De Censuris Romano Pontifici Reservatis

Ugolinus, Bartholomaeus

Venetijs, 1609

De pœna frangentium hanc Bullam, vel contra ipsam uenientum. Cap. VIII.

[urn:nbn:de:hbz:466:1-61365](https://nbn-resolving.org/urn:nbn:de:hbz:466:1-61365)

multiplicatio hæc omnino Rom. Pontificem voluisse ostēdit, & sic præceptum esse, & ob id ei parendum, alioquin peccant. argu. c. 2. de maio. & obe. Sed de prima parte satis, ad alteram veniamus.

Vers. Volentes earundē presentium transumptis, etiā impressis notarii publici manu subscriptis, & sigillo iudicis ordinarii Romanæ curiæ, vel alterius personæ in dignitate Ecclesiastica munitis, eandē prorsus fidem in iudicio, & extra illud locorum adhibendam fore, quæ ipsis præsentibus adhiberetuer, si sēt exhibitæ, uel ostensæ.

S V M M A.

1 *Exempla deprompta ex Bulla, etiam si impressa non sint, fidem faciunt, modo manu publici notarii subscripta sint, & signo iudicis Romanæ Curie, uel alterius personæ in dignitate Ecclesiastica constituta munita.*

1 **I**N hac parte vult Rom. Pont. ut fides adhibeatur tam in iudicio, quam extra illud & ubique locorum exemplis depromptis ex

ipsa Bulla, etiam si impressa non sint, modo duo adsint. Primum subscripta manu publici notarii sint. Deinde signo iudicis ordinarii Romanæ curiæ, vel alterius personæ in dignitate Ecclesiastica constitutæ signata, ut habetur in vers. Quare si quis assereret in excōicationem aliquam huius Bullæ incidisse ob noui vectigalis impositionem, cum id non posset, si negaret in hoc casu excommu. lata esse, producens exemplum huius Bullæ coram iudice munitum, ut dixi, conuictum talem habebitis. Sed de hoc satis, ad postremum caput veniamus.

De pena frangentium hanc Bullam, veb contra ipsam uenientium.

Cap. VIII.

Nulli ergo omnino hominū liceat hanc paginam nostræ excommunicationis, anathematizationis, interdicti, innouationis, innodationis, declarationis, protestationis, sublationis, renouationis, commissionis, mandati, & voluntatis infringere, vel ei ausu temerario contraire. Si quis autem hoc attentare

pra-

præsumpserit, indignationem omnipotentis Dei, ac Beatorum Petri, & Pauli Apostolorum eius se noverit incursum. Datum Romæ, &c.

S V M M A.

- 1 Bullam hanc offendi quot modis contingat.
- 2 Indignatio Omnipotentis Dei, & Beatorum Petri, & Pauli, quæ pœna sit.
- 3 Bulla hæc cur tot nominibus appellatur.
- 4 Indignationem Omnipotentis Dei habent, qui hanc Bullam offendunt.
- 5 Auctoritatem Rom. Pontificis negās, vt hæreticus punitur.

In hoc capite imponitur pœna ijs, qui contra hanc Bullam veniunt, quæ est indignatio Omnipotentis Dei, ac beatorum Petri, & Pauli Apostolorum contra se. Verum quo rem hanc dilucidiorē habeamus, præmittenda tria sūt. Primū, quot modis contingat Bullam hæc offendi. Deinde, indignatio Omnipotentis Dei, & Beatorum Petri, & Pauli, quæ pœna sit. Tertio, cur tot nominibus Bullam hanc appellet Rom. Pontifex.

- 1 Quoad primum igitur ¶ tribus modis contra hanc Bullam veniri concludo.

Primum frangendo ipsam, &

conscindendo. Deinde contra ipsam faciendo, s. delictis committendis, quæ per Bullam prohibita sunt. Tertio negando Romæ Pontificem hæc facere posse, vt hæc per se patent.

- 2 Quo ad secundum, ¶ Indignatio omnipotentis Dei, & Apostolorum id operatur, & hanc pœnam infert, quoniam Dei gratia priuatur, nam Deus Optim. & Maxim. & Sancti Apostoli nemini indignantur, nisi ob mortiferum peccatum, quia igitur contraueniendo quis mortiferè peccat, mortiferum autem peccatū priuat quæ gratia diuina, ob eam rem indignationem prædictorum incurre re hunc ait, atque sic in simili dixit Rebuff. in Prax. benefi. Forma, & declaratio nou. prouis. in clausula. Nulli ergo hominum. Ego autem præterea.

- 3 Quo ad tertium ¶ paginam hanc multis nominibus nominat, quoniam multa in ipsa decernit.

Nam primo appellat paginam excommunicationis, quoniam per ipsam excommunicat.

Secundo anathematis, quoniam anathema fert, vt habetur in initio ferè omnium capitum secundæ partis.

Tertio interdicti, quoniam etiã interdicit in Capite secundo secundæ partis vers. Vniuersitates.

Quarto innouationis, quoniam innouat decreta quædam antiqua, vt hñ in Capite Decimo octauo secundæ partis, uer. Innouantes.

Quin-

Quinto innodationis, quoniã innodat excommunicatione in tertio Capite. 3. par. incip. Quod si forte.

Sexto declarationis, & protestationis quoniam declarat, & protestatur quãdam in Capite Quarto incip. Declarantes. par. 3.

Septimo sublationis, & reuocationis, quoniam reuocat, & tollit quãdam in Capite quarto, incip. Quã omnia. 3. par.

Octauo commissionis, & mandati, quoniam mandat, & ordinat in Capite quinto, versi. Insuper & processus. 3. par.

Nonò voluntatis, quoniam in ipsa ait se uelle durare hos processus etiam post mortem, in ca. Primo. 3. par. inci. Volentes. Item se uelle fidem adhiberi exemplis huius Bullæ signatis in Cap. septimo. 3. par. His præmissis, iam rem aggrediamur, & regulam ponamus.

4 In indignationem igitur † omnipotentis Dei incidunt, quicunque hanc Bullam offendunt, uel eam frangendo, uel contra ipsam faciendo, uel Rom. Pontificem id non posse negando, tot enim modis Bullæ contraueniri præmissi-

mus.

Item in eandem indignationem, idest in peccatum mortiferum incurrit, qui alicui ex nouem prædictis contrauenit, nã sic ipse in Bulla id uult.

Tertio contraueniens ipsi Bullæ, quo ad prohibita delicta, in excommunicationes iam dictas incidit, & penas, ut uidimus.

5 Postremò † negans auctoritatẽ Rom. Pont. ut hæreticus punitur, atque sic in simili dixit Glo. in generali. in uerb. in hibemus, & ibi DD. de elect. libro 6. & Rebuff. in Prax. benefi. Forma, & declaratio nouæ prouis. in clausula Nulli ergo hominum, ibi. Imo si quis non obtèperet, ac deniq. prædicti omnes arbitraria pœna puniuntur. Quicquid dixerunt DD. citati a Rebuff. in eadem clausula, qui priuationem beneficii significari existimarunt per eam clausulam Indignationem omnipotentis Dei, & Apostolorum, quod probabili ratione nulla nititur. Sed de Bulla Censuræ Domini hætenus, iam ad explicandos alios casus Romano Pontifici reseruos transseamus, id quod Deo adiuuante prope diem præstabimus.

F I N I S.